



**SOALAN LAZIM (FAQ)
BERKAITAN PENGENDALIAN KES-KES DI
MAHKAMAH SYARIAH
SEMASA PERINTAH KAWALAN PERGERAKAN
BAGI
JABATAN KEHAKIMAN SYARIAH NEGERI
PULAU PINANG**

SOALAN LAZIM (FAQ)
JABATAN KEHAKIMAN SYARIAH NEGERI PULAU PINANG

PENGURUSAN KES

1. Bilakah tarikh Perintah Kawalan Pergerakan berkuat kuasa?

Tarikh Perintah Kawalan Pergerakan (PKP) berkuat kuasa bermula pada 18 Mac 2020 hingga 31 Mac 2020, 1 April 2020 hingga 14 April 2020 dan 15 April hingga 28 April 2020 dan tertakluk kepada apa-apa tarikh lanjutan yang diumumkan oleh kerajaan. Ini termasuk Perintah Kawalan Pergerakan Yang diperketatkan (PKPD).

2. Adakah Mahkamah Syariah di Negeri Pulau Pinang akan beroperasi sepanjang tempoh Perintah Kawalan Pergerakan dilaksanakan?

Tidak. Mahkamah Syariah di Negeri Pulau Pinang tidak beroperasi sepanjang tempoh Perintah Kawalan Pergerakan.

Pengecualian diberikan bagi pendaftaran kes-kes baharu yang wujud keperluan yang mendesak dengan kebenaran Mahkamah dan kes-kes yang tertakluk kepada had masa di bawah peruntukan undang-undang yang berkuat kuasa.

3. Adakah Mahkamah Syariah seluruh daerah Negeri Pulau Pinang ditutup sepenuhnya untuk perbicaraan kes-kes?

Ya. Semua prosedur perbicaraan sama ada kes mal atau jenayah di mahkamah terbuka atau mahkamah tertutup ditangguhkan semasa PKP berkuat kuasa **kecuali** bagi pendengaran kes baharu yang mendesak melalui Perakuan Segera dengan kebenaran mahkamah.

4. Bolehkah permohonan bagi mendapatkan Perintah Interim/Injunksi Ex-Parte difailkan?

Boleh. Kelulusan bagi pendengaran permohonan tersebut adalah tertakluk kepada merit sesuatu kes. Tatacara bagi pendengaran kes tersebut, jika dibenarkan, adalah berdasarkan kepada Arahan Amalan N0. 11 Tahun 2019 (Pendengaran Permohonan Perintah Interim Injunksi Ex-Parte Yang Difailkan Atas Perakuan Segera).

5. Bagaimana Permohonan Perakuan Segera Diuruskan?

(a) Mahkamah Rayuan Syariah

Perakuan Segera dikendalikan oleh Ketua Pendaftar Mahkamah Rayuan Syariah dan mendapatkan arahan selanjutnya dari YAA Ketua Hakim Syarie

(b) Mahkamah Tinggi Syariah

Perakuan Segera dikendalikan oleh Pendaftar/Penolong Pendaftar Mahkamah Tinggi Syariah dan mendapatkan arahan selanjutnya dari Hakim Mahkamah Tinggi Syariah

(c) Mahkamah Rendah Syariah

Perakuan Segera dikendalikan oleh Penolong Pendaftar Mahkamah Rendah Syariah dan mendapatkan arahan selanjutnya daripada Hakim Mahkamah Rendah Syariah Daerah

6. Apakah status kes yang telah ditetapkan tarikh sebutan/perbicaraan di dalam tempoh pelaksanaan Perintah Kawalan Pergerakan?

Semua kes Mal, Jenayah, Faraid, Sulh dan Bahagian Sokongan Keluarga (BSK) yang telah ditetapkan tarikh sebutan/perbicaraan/Majlis Sulh/rundingcara BSK di dalam tempoh Perintah Kawalan Pergerakan adalah ditangguhkan.

7. Bilakah kes yang ditangguhkan sewaktu tempoh PKP ini akan didengar semula?

Kesemua kes yang ditangguhkan sewaktu PKP di semua peringkat prosiding akan ditetapkan tarikh penjadualan semula. Penetapan tarikh perbicaraan/pendengaran yang baharu akan dimaklumkan kemudian.

8. Apakah status kes yang telah ditetapkan tarikh sebutan/perbicaraan selepas tempoh Perintah Kawalan Pergerakan berakhir ?

Semua kes Mal, Jenayah, Faraid, Sulh dan BSK yang telah ditetapkan tarikh sebutan/ perbicaraan/ Majlis Sulh/ rundingcara BSK selepas Perintah Kawalan Pergerakan berakhir adalah berjalan seperti yang dijadualkan.

9. Bagaimanakah pemakluman tarikh tangguhan baru bagi sebutan/ perbicaraan/Majlis Sulh/rundingcara Bahagian Sokongan Keluarga (BSK) bagi kes yang terlibat dalam tempoh pelaksanaan Perintah Kawalan Pergerakan?

Tarikh tangguhan baharu akan dimaklumkan melalui apa jua medium komunikasi yang bersesuaian.

10. Bagaimana cara untuk pihak-pihak memohon bagi memfailkan kes atas alasan kes mendesak dengan Perakuan Segera atau had masa?

Pihak-pihak boleh menghubungi mahkamah terlebih dahulu agar keperluan bagi pengurusan kes tersebut boleh diaturkan. Maklumat perhubungan Mahkamah Syariah seperti di lampiran.

11. Apakah langkah-langkah yang yang diambil sekiranya perbicaraan dibenarkan?

Langkah-langkah yang diambil adalah seperti berikut;

(a) Pendengaran didengar dalam mahkamah terbuka;

- (b) Memastikan jarak sosial dipatuhi;
- (c) Pegawai dan pelanggan yang demam/tidak sihat tidak dibenarkan hadir;
- (d) Pegawai dan pelanggan hendaklah memakai penutup hidung dan mulut;
- (e) Menggunakan cecair pembasmi kuman/mencuci tangan dengan sabun sebelum dan selepas berurusan; dan
- (f) Sentiasa mematuhi garis panduan yang dikeluarkan oleh KKM dari semasa ke semasa.

SULH

12. Adakah Unit Sulh Mahkamah Syariah beroperasi sepanjang PKP berkuatkuasa?

Tidak. Unit Sulh tidak beroperasi dan semua sesi Majlis Sulh ditangguhkan.

13. Bilakah tarikh penjadualan semula Majlis Sulh?

Tarikh sidang Majlis Sulh ditetapkan sebaik sahaja tempoh PKP tamat dan pihak-pihak akan dimaklumkan kemudian.

14. Bagaimana pihak-pihak dapat mengetahui tarikh sidang Majlis Sulh mereka?

Tarikh tanggungan baharu akan dimaklumkan melalui apa jua media komunikasi yang bersesuaian.

15. Jika pihak-pihak mempunyai persetujuan di luar Mahkamah dan belum memfailkan kes, bagaimana pelaksanaan persetujuan pihak-pihak tersebut sedangkan belum dijadikan perintah persetujuan?

Pihak-pihak boleh terus melaksanakan perjanjian persetujuan yang telah dicapai secara bersama dan setelah tempoh PKP tamat, hendaklah seberapa segera memfailkan tuntutan tersebut ke Mahkamah Syariah dan pengendorsan perjanjian penyelesaian tersebut di hadapan Hakim Syarie boleh dibuat dengan kadar segera.

- 16. Jika pihak-pihak mempunyai persetujuan di luar Mahkamah dan kes telah didaftarkan sebelum PKP, bagaimana pelaksanaan persetujuan pihak-pihak tersebut sedangkan belum dijadikan perintah persetujuan?**

Pihak-pihak boleh menghubungi pihak mahkamah bagi mendapatkan nasihat bagi merekodkan persetujuan tersebut.

BAHAGIAN SOKONGAN KELUARGA

- 17. Bekas suami enggan memberi nafkah dalam tempoh PKP dan apakah tindakan yang perlu dilakukan?**

Aduan boleh dikemukakan di FB Page Bahagian Sokongan Keluarga-BSK / e-mel Bahagian Sokongan Keluarga Seksyen Negeri dengan memberikan maklumat aduan yang lengkap berserta nombor telefon/ e-mel yang dapat dihubungi bagi tujuan rujukan lanjut pihak BSK.

- 18. Bagaimanakah untuk memohon bantuan nafkah Isteri sepanjang tempoh PKP?**

Dana Pendahuluan/Bantuan nafkah boleh dipohon sepanjang tahun walaupun dalam tempoh PKP. Medium e-mel bagi tujuan penghantaran borang boleh digunakan oleh pelanggan. Permohonan akan diproses oleh BSK dalam tempoh yang munasabah dengan mengambil kira tempoh kelulusan oleh jawatankuasa dan pemprosesan bayaran.

- 19. Apakah yang perlu dilakukan jika sekiranya bekas suami enggan untuk membuat pembayaran nafkah jika sekiranya telah mendapat perintah daripada Mahkamah?**

Sekiranya bekas suami enggan membayar nafkah seperti mana yang telah diperintahkan, aduan pelanggaran perintah boleh dikemukakan kepada BSK

melalui laman FB page Bahagian Sokongan Keluarga-BSK/ BSK Seksyen Negeri. Aduan akan disemak dan diproses oleh BSK. Suatu notis peringatan akan dikeluarkan kepada suami/bekas suami sebelum tindakan selanjutnya seperti runding cara, pelaksanaan dan penguatkuasaan perintah diambil oleh BSK yang akan dilaksanakan selepas tempoh PKP tamat.

Sekiranya sesuatu kes mendesak yang memerlukan penyelesaian segera, pemiutang penghakiman boleh memfailkan perakuan segera kepada Ketua Pendaftar Mahkamah Syariah bagi kebenaran pemfailan dan atau pendengaran melalui apa-apa kaedah pemfailan atau pendengaran yang sesuai dengan hal keadaan pihak-pihak.

20. Siapakah yang boleh dihubungi untuk penjelasan lanjut mengenai perkara di atas?

Untuk penjelasan lanjut boleh dikemukakan di FB Page Bahagian Sokongan Keluarga-BSK/e-mel Bahagian Sokongan Keluarga Seksyen Negeri dengan memberikan maklumat yang lengkap beserta nombor telefon/e-mel yang dapat dihubungi bagi tujuan rujukan lanjut pihak BSK.

PERSOALAN UMUM

21. Apa yang perlu dilakukan jika bekas suami berkeras untuk mengambil anak dalam tempoh PKP ini sepertimana dinyatakan dalam perintah?

Semua warganegara Malaysia adalah terikat dengan Perintah Kawalan Pergerakan yang dikeluarkan oleh pihak kerajaan. Jika mana-mana pihak berkeras untuk meneruskan hasrat untuk mengambil anak dalam tempoh PKP, tindakan tersebut adalah atas tanggungjawab sendiri kerana pada dasarnya tugas mahkamah telah selesai sebaik sahaja perintah mahkamah diumumkan.

Pihak-pihak boleh untuk menggunakan mana-mana aplikasi secara maya sebagai contoh panggilan video melalui WhatsApp, aplikasi Zoom dan lain-lain

yang bersesuaian sebagai medium untuk berkomunikasi dengan kanak tersebut di sepanjang tempoh PKP ini.

- 22. Suami lafaz taklik "Jika engkau keluar dari pintu rumah itu, jatuh talak". Apa yang perlu dilakukan apabila taklik tersebut dilanggar dalam tempoh PKP?**

Berdasarkan undang-undang, lafaz cerai takliq oleh suami tersebut adalah termasuk di dalam talaq di luar dan tanpa kebenaran mahkamah. Pihak-pihak boleh menghubungi mahkamah untuk menentukan sama ada kes tersebut adalah sesuatu yang mendesak untuk difailkan atau sebaliknya kerana mendesak atau tidak sesuatu kes adalah berdasarkan merit dan fakta setiap kes.

- 23. Bagaimana orang awam mendapatkan maklumat lanjut mengenai perkhidmatan Mahkamah sewaktu tempoh PKP?**

Sekiranya terdapat keperluan berkenaan urusan kes semasa PKP, orang awam boleh menghubungi Mahkamah Syariah sepertimana maklumat di Lampiran.

LAMPIRAN 1**Maklumat Pegawai Perhubungan di Jabatan Kehakiman Syariah Negeri Pulau Pinang**

BIL	ALAMAT / LOKASI	PEGAWAI PERHUBUNGAN
1.	Mahkamah Tinggi Syariah Negeri Pulau Pinang Kompleks Kehakiman Syariah Negeri Pulau Pinang No.3 Jalan Batu Gantung 10450 Geroge Town Pulau Pinang	Jasmin bin Ismail mjasmin@esyariah.gov.my 013-4622906
2.	Mahkamah Rendah Syariah Daerah Timur Laut No.3 Jalan Batu Gantung 10450 Geroge Town Pulau Pinang	Helmi bin Ismail mohdhelmi@esyariah.gov.my 012-5671671
3.	Mahkamah Rendah Syariah Daerah Barat Daya Jalan Balik Pulau, 11000 Balik Pulau Pulau Pinang	Abdul Munir bin Ghazali munir@esyariah.gov.my 019-4503720
4.	Mahkamah Rendah Syariah Seberang Perai Utara Jalan Bertam 1 13200 Kepala Batas Pulau Pinang	Nor Azlina binti Abdul Aziz nor_azlina@esyariah.gov.my 013-8186984

5.	Mahkamah Rendah Syariah Seberang Perai Tengah Bangunan Seri Mertajam No.1765 Jalan Ciku 14000 Bukit Mertajam Pulau Pinang	Mohamad Fuad bin Abdul Aziz fuad1@esyariah.gov.my 012-4228900
6.	Mahkamah Rendah Syariah Seberang Perai Selatan Sungai Jawi 14200 Jawi Pulau Pinang	Mohamad Zahir bin Ismail zahir@esyariah.gov.my 013-4332363
7.	Bahagian Sokongan Keluarga Kompleks Kehakiman Syariah Negeri Pulau Pinang No.3 Jalan Batu Gantung 10450 Geroge Town Pulau Pinang	Hazwan bin Ismail hazwan_ismail@esyariah.gov.my 013-3205313